



অবিলম্বে প্রকাশের উদ্দেশ্যে: 5/20/2022

গভর্নর ক্যাথি হোকল

গভর্নর হোকল স্বল্প-আয়ের ও কর্মজীবী পরিবার এবং শিশু পরিচর্যা প্রদানকারীদের সহায়তার জন্য ঐতিহাসিক 2 বিলিয়ন ডলারের শিশু পরিচর্যার ভর্তুকির কথা ঘোষণা করেছেন

*7 বিলিয়ন ডলারের শিশু পরিচর্যার তহবিল অর্থ বর্ষ 2023 এর রাজ্য বাজেটে অন্তর্ভুক্ত*

*চাইল্ড কেয়ার ভর্তুকির জন্য আয়ের উর্দ্ধসীমা বৃদ্ধি পাচ্ছে, যা নিউ ইয়র্ক স্টেটের এক অভূতপূর্ব সংখ্যক অল্পবয়সী শিশুদের যোগ্য করে তুলেছে*

*রাজ্য শিশু পরিচর্যার মরুভূমিতে অবস্থিত প্রদানকারীদের কাছ থেকে রেকর্ড সংখ্যক প্রতিক্রিয়া দেখে, নতুন শিশু পরিচর্যা প্রোগ্রাম স্থাপনের জন্য 1,700 টিরও বেশি অনুদানের আবেদন গ্রহণ করেছে*

গভর্নর ক্যাথি হোকল আজ ঘোষণা করেছেন যে নিউ ইয়র্ক স্টেটের ইতিহাসে শিশু পরিচর্যার ভর্তুকির ক্ষেত্রে সব চেয়ে বড় বিনিয়োগ বিতরণ করা হবে — 2 বিলিয়ন ডলার, শিশু পরিচর্যার আর্থিক সহায়তা প্রাপ্ত পরিবারের সংখ্যা বাড়াতে এবং শিশু পরিচর্যা প্রদানকারীদের তাদের অপরিহার্য পরিষেবার জন্য যে পরিমাণ অর্থ প্রদান করা হয় তা বৃদ্ধি করতে। শিশু পরিচর্যার ভর্তুকিতে 2 বিলিয়ন ডলারে অন্তর্ভুক্ত রয়েছে সাম্প্রতিক রাজ্য বাজেটে পাশ করা নিউ ইয়র্ক স্টেট চাইল্ড কেয়ার ব্লক অনুদান বাবদ 894 মিলিয়ন ডলার, 500 মিলিয়ন ডলারেরও বেশি তহবিল যা আগে বরাদ্দ করা হয়েছে সামাজিক পরিষেবার জেলাগুলির স্থানীয় বিভাগগুলিতে যা খরচ হয়নি, এবং 600 মিলিয়ন ডলারেরও বেশি আছে বিদ্যমান কোভিড-19 মহামারীর অর্থায়নে। পরবর্তী চার বছরে শিশু পরিচর্যার জন্য গভর্নরের অভূতপূর্ব 7 মিলিয়ন ডলারের প্রতিশ্রুতির অংশ হিসেবে, এই বিনিয়োগগুলি পরিবারগুলিকে তাদের অত্যন্ত প্রয়োজনীয় সহায়তা প্রদান করে, পাশাপাশি নিউ ইয়র্কের অর্থনৈতিক পুনরুদ্ধারকেও অগ্রসর করে।

"একজন কর্মজীবী মা হিসাবে আমি নিজেই জানি কিভাবে শিশু পরিচর্যার অভাব আপনার ক্যারিয়ার, আপনার পরিবার এবং আপনার ভবিষ্যতের ক্ষতি করতে পারে, যখন আমি আমার সন্তানের পরিচর্যা করার জন্য আমার চাকরি ছেড়ে দিতে বাধ্য হয়েছিলাম," **গভর্নর হোকল বলেন।** "নিউ ইয়র্ক স্টেটের শিশু পরিচর্যার ব্যবস্থায় এই ঐতিহাসিক বিনিয়োগগুলি আমাদের পিতামাতাদের, বিশেষ করে মায়েদের জন্য একটি নতুন পথ তৈরি করতে দেবে। এটি করা সঠিক জিনিস, করা নৈতিক জিনিস এবং এটি আমাদের অর্থনৈতিক পুনরুদ্ধারকে উদ্দীপিত করবে

এবং কর্মজীবী পরিবারদের সহায়তা করবে। শিশু পরিচর্যা একটি অপরিহার্য পরিষেবা, এবং নিউ ইয়র্কে, আমরা আরও কর্মজীবী পরিবারদের অ্যাক্সেস নিশ্চিত করার জন্য আমাদের ক্ষমতায় যা করা সম্ভব তা করে যেতে থাকবো।"

নিউ ইয়র্ক স্টেট অফিস অফ চিলড্রেন অ্যান্ড ফ্যামিলি সার্ভিসেস (New York State Office of Children and Family Services, OCFS) দ্বারা পরিচালিত এই তহবিলটি 2022 সালের আগস্টে পরিবারদের জন্য প্রাথমিক যোগ্যতার স্তরকে ফেডারেল দারিদ্র্য স্তরের 300% (চারজনের একটি পরিবারের জন্য 83,250 ডলার) পর্যন্ত প্রসারিত করবে 200% এর থেকে, যার ফলে নিউ ইয়র্কের কয়েক হাজার অল্পবয়সী শিশুদের জন্য যোগ্যতা প্রসারিত হবে।

OCFS-এর ভর্তুকি প্রাপ্ত তহবিলের ঘোষণাটি 30 মিলিয়ন ডলারের ফেডারেল অনুদানের তহবিলের ঠিক পরেই প্রকাশিত হওয়ার পরেই এসেছে, যাতে রাজ্যের শিশু পরিচর্যার মরুভূমি নামে পরিচিত এমন এলাকায়, যেখানে শিশু পরিচর্যার পর্যাপ্ত স্লট অনুপস্থিত, সেখানে বিদ্যমান লাইসেন্সপ্রাপ্ত, নিবন্ধিত বা অনুমোদিত শিশু পরিচর্যার কর্মসূচিগুলিকে প্রসারিত করা যায়। এই তহবিলগুলি যা 2021 প্রণীত বাজেটে অনুমোদিত 100 মিলিয়ন ডলারের শিশু পরিচর্যার মরুভূমির উদ্যোগের অংশ, সেগুলি আমেরিকান রেসকিউ প্ল্যান অ্যাক্টের (American Rescue Plan Act) মাধ্যমে উপলব্ধ করা হচ্ছে। আরও তথ্য এবং আবেদনের জন্য একটি অনুরোধ [এখানে](#) উপলব্ধ। শিশু পরিচর্যার মরুভূমির অর্থায়নের আরেকটি উপাদান, যার মূল্য 70 মিলিয়ন ডলার, তা এপ্রিলে খোলা হয়েছে।

গতকালের আবেদনের সময়সীমা পর্যন্ত, OCFS 2021 প্রণীত বাজেটে উপলব্ধ করা 70 মিলিয়ন ডলারের অংশ হিসাবে নিউ ইয়র্ক স্টেটের যে সব এলাকা শিশু পরিচর্যার সংকটের সম্মুখীন, সেগুলিতে নতুন শিশু পরিচর্যার প্রোগ্রাম স্থাপনের প্রত্যাশী ব্যক্তিদের কাছ থেকে 1,700টির বেশি আবেদন পেয়েছে। এই জমা পর আবেদনগুলির অর্ধেকেরও বেশি নির্দিষ্টভাবে নিউ ইয়র্ক সিটিতে উপস্থিত শিশু পরিচর্যার মরুভূমিগুলিকে লক্ষ্য করে। আমেরিকান রেসকিউ প্ল্যান অ্যাক্টের মাধ্যমে উপলব্ধ করা এই তহবিলগুলি সুবিধাবঞ্চিত এলাকাগুলির শিশু পরিচর্যা প্রদানকারীদের শিশু পরিচর্যার প্রোগ্রাম স্থাপন করতে সহায়তা করবে; স্টার্ট আপ এবং কর্মীদের খরচ কভার করবে; কর্মীদের নিয়োগ করবে, প্রশিক্ষণ দেবে এবং তাদের কাজে বহাল রাখবে; এবং কোভিড-19 টিকা এবং বুস্টার অ্যাক্সেসের ক্ষেত্রে কর্মীদের সহায়তা করবে। তহবিল প্রদান করার ঘোষণাগুলি আগামী সপ্তাহগুলিতে করা হবে বলে নির্ধারিত।

এপ্রিলের শুরুতে, গভর্নর FY 2023 বাজেটের হাইলাইটগুলির মধ্যে শিশু পরিচর্যায় বড় বিনিয়োগসমূহের কথা ঘোষণা করেছিলেন যা শিশু পরিচর্যার ভর্তুকির ক্ষেত্রে নিউ ইয়র্কের সহায়তা দ্বিগুণ করে। নিউ ইয়র্ক স্টেট চার বছরে 7 বিলিয়ন ডলার বিনিয়োগ করছে যা প্রতিফলিত করে যে মানসম্পন্ন শিশু পরিচর্যার অ্যাক্সেস শিশু, পরিবার এবং রাজ্যব্যাপী অর্থনৈতিক পুনরুদ্ধারের জন্য গুরুত্বপূর্ণ। রাজ্যের বাজেট 2022 সালের জুনে শিশু পরিচর্যার বাজারের হারকে প্রদানকারীদের হারের 80 তম পার্সেন্টাইলে বাড়িয়ে উচ্চ মানের শিশু পরিচর্যায় অ্যাক্সেস প্রসারিত করে। এই পরিবর্তনটি শিশু পরিচর্যার জন্য যে পরিবারগুলি শিশু পরিচর্যার সহায়তা পায় তাদের জন্য উপলব্ধ শিশু পরিচর্যার বিকল্পগুলিকে আরও বিস্তৃত করবে এবং

সেই সাথে শিশু পরিচর্যা প্রদানকারীদের জন্য পরিশোধের পরিমাণও বৃদ্ধি করবে। এই বৃদ্ধি নিউ ইয়র্ক স্টেটকে অর্থ প্রদানের রেটের ক্ষেত্রে একটি জাতীয় নেতা করে তোলে।

**অফিস অফ চিলড্রেন অ্যান্ড ফ্যামিলি সার্ভিসেসের কমিশনার শিলা পুল বলেছেন,** "শিশু পরিচর্যার সহায়তার জন্য এই অভূতপূর্ব অর্থায়নের জন্য আমরা আনন্দিত। এটি আমাদের পরিবারদের জন্য শিশু পরিচর্যার অ্যাক্সেসের গুরুত্বকে তুলে ধরে। এটি তাদের প্রাপ্য, এবং আমাদের প্রদানকারীদের এটি প্রাপ্য। মহামারী এই শিল্পকে বিপর্যস্ত করেছে এবং এই পরিবর্তনগুলি যাদের সব চেয়ে বেশি এর প্রয়োজন তাদের সহায়তা করবে এবং আমাদের প্রদানকারীদের আরও বেশি শক্তিশালী করে তুলবে।"

**সিনেটর চাক শুমার বলেছেন,** "সংখ্যাগরিষ্ঠ নেতা হিসাবে, আমি প্রতিজ্ঞা করেছিলাম যে আমি নিউ ইয়র্ককে মহামারী থেকে আরও শক্তিশালী হয়ে ফিরে আসার জন্য প্রয়োজনীয় তহবিল সরবরাহ করব এবং এখন আমেরিকান রেসকিউ প্ল্যানকে ধন্যবাদ নিউ ইয়র্ক রাজ্যের ইতিহাসে শিশু পরিচর্যায় সব চেয়ে বড় বিনিয়োগ করতে সক্ষম হয়েছে। এই বিনিয়োগের অর্থ হল সংগ্রামরত পরিবারগুলি তাদের প্রয়োজনীয় আর্থিক সহায়তা পাবে, শিশু পরিচর্যা প্রদানকারীদের জন্য আরও বেশি সাহায্য করবে এবং শিশু পরিচর্যার মরুভূমিগুলি নির্মূল করবে। আমাদের অর্থনৈতিক পুনরুদ্ধারের জন্য সাশ্রয়ী মূল্যের শিশু পরিচর্যা অপরিহার্য, এবং আজকের ঐতিহাসিক সংবাদকে সম্ভব করার জন্য তহবিল সরবরাহ করতে পেরে আমি গর্বিত।"

**সিনেটর কার্স্টেন গিলিব্র্যান্ড বলেছেন,** "আমাদের দেশের অনেকখানি যেমন, তেমন নিউ ইয়র্কও একটি শিশু পরিচর্যার সংকটের সম্মুখীন হচ্ছে।" "সাশ্রয়ী মূল্যের, উচ্চ মানের শিশু পরিচর্যা অনেক বাবা-মায়ের নাগালের বাইরে, বিশেষ করে অনুন্নত এলাকাগুলিতে। আমি গভর্নর হোকলকে শিশু পরিচর্যাকে আরও সহজলভ্য করার উদ্দেশ্যে এই গুরুত্বপূর্ণ পদক্ষেপ নেওয়ার জন্য ধন্যবাদ জানাই এবং আমেরিকান রেসকিউ প্ল্যান পাস করার জন্য লড়াই করতে পেরে আমি গর্বিত, যা এই ঐতিহাসিক বিনিয়োগকে সম্ভব করতে সাহায্য করেছে।"

**প্রতিনিধি পল টনকো বলেন,** "আমাদের দেশ এখনও COVID-19 এর আর্থিক অসুবিধাগুলি অনুভব করছে, এবং, বিশেষ করে, শিশু পরিচর্যা ব্যবস্থার উপর পরা প্রভাব, বহু পিতামাতাকে বিপদে ফেলেছে এবং সাশ্রয়ী, অ্যাক্সেসযোগ্য পরিচর্যা তাদের নাগালের বাইরে রয়েছে। আমার ডেমোক্রেটিক সহকর্মীরা এবং আমি এই সঙ্কট মোকাবেলা করার জন্য এবং প্রয়োজন রয়েছে এমন শিশুদের সহায়তা করার জন্য দৃঢ় পদক্ষেপ গ্রহণ করেছি, যার মধ্যে আছে আমাদের আমেরিকান রেসকিউ প্ল্যানের মাধ্যমে অগ্রসর করা চাইল্ড ট্যাক্স ক্রেডিট সম্প্রসারণ করা। এই করের হ্রাসপ্রাপ্তি শুধু নিউ ইয়র্ক স্টেটের 3.3 মিলিয়ন শিশুকে সাহায্য করেছে। যখন আমরা ত্রাণ বিতরণের জন্য কাজ চালিয়ে যাচ্ছি, আজকের ঘোষণাটি পরিশ্রমী পিতামাতাদের সহায়তা করার ক্ষেত্রে একটি গুরুত্বপূর্ণ ভূমিকা পালন করবে যখন তারা তাদের পরিবারের ভরণপোষণ এবং আমাদের অর্থনীতিকে শক্তিশালী করার জন্য কাজ করছেন।"

**প্রতিনিধি আদ্রিয়ানো এসপাইল্লাট বলেছেন,** "নিউ ইয়র্ক জুড়ে কর্মজীবী পরিবারের সাফল্য এবং সুস্থতার জন্য শিশু পরিচর্যা প্রদানকারীরা অপরিহার্য। জনস্বাস্থ্য সংকটের সময় আমরা যে বহু পাঠ শিখেছি তার মধ্যে একটি হল যে আমরা যদি শিশু পরিচর্যা প্রদানকারীদের পিছনে

ফেলে রাখি তাহলে আমরা পরিবারগুলিকে এগিয়ে নিতে যেতে পারি না। রাজ্যের চারদিকের পরিবারগুলির জন্য শিশু পরিচর্যা পরিষেবা এবং সহায়তায় আরও বিনিয়োগ করার উদ্দেশ্যে আজকের ঘোষণার জন্য আমি গভর্নর হোকলের প্রশংসা করি। এই অভূতপূর্ব বিনিয়োগ শিশু পরিচর্যা প্রদানকারীদের একটি অসাধারণ স্তরের সহায়তা প্রদান করবে এবং নিশ্চিত করবে যে তারা পরিবারের প্রয়োজনীয় পরিষেবাগুলি প্রদান করতে পারেন।"

**রাজ্য সিনেটর রোক্কান জে. পারসাউড বলেছেন,** "আজকের ঘোষণাটি নিউ ইয়র্কের পরিবার এবং শিশু পরিচর্যার খাতে বিনিয়োগের জন্য গভর্নর এবং আইনসভার উল্লেখযোগ্য কাজকে প্রতিফলিত করে। শিশু পরিচর্যার মরুভূমিগুলি চাহিদার অভাবে নয়, বরং কম বিনিয়োগের কারণে তৈরি হয়। এই বছরের বাজেট কেবল আরও অনেক পরিবারের জন্য যোগ্যতাকে প্রসারিত করে তাই নয়, বরং পরিচর্যার ক্রমবর্ধমান চাহিদা পূরণ করতে সাহায্য করার জন্য নতুন এবং বিদ্যমান প্রদানকারীদের জন্য উল্লেখযোগ্য অর্থায়ন অন্তর্ভুক্ত করে।"

**বিধানসভার সদস্য অ্যান্ড্রু হেভেসি বলেছেন,** "এই বছরের রাজ্য বাজেটে আমরা যা অর্জন করেছি তার জন্য আমি অত্যন্ত গর্বিত এবং আমি গভর্নর হোকল, কমিশনার পুল এবং OCFS-এর প্রত্যেককে এই তহবিলগুলি সরাসরি যাদের প্রয়োজন তাদের কাছে পৌঁছে দেওয়ার উদ্দেশ্যে তাদের দ্রুত পদক্ষেপের জন্য প্রশংসা করি। ভর্তুকি প্রাপ্তির যোগ্যতা প্রসারিত করা, শিশু পরিচর্যার মরুভূমিতে নতুন প্রোগ্রামের জন্য অর্থায়ন করা এবং প্রদানকারীদের প্রতিদানের হার বৃদ্ধি করা হাজার হাজার শিশু এবং পরিবারকে শিশু পরিচর্যা পেতে দেবে যারা সংগ্রাম করছিলেন এবং এই পরিষেবা ছাড়াই চলতে বাধ্য হচ্ছিলেন। প্রতিটি শিশুর পরিচর্যা করা হচ্ছে এবং সাফল্যের জন্য তাকে প্রস্তুত করা হচ্ছে তা নিশ্চিত করার জন্য আমি এই জয়গুলির উপর ভিত্তি করে গড়ে তোলার জন্য উন্মুখ।"

**ক্রুকলিন বরোর প্রেসিডেন্ট আন্তোনিও রেইনোসো বলেছেন,** "শিশু পরিচর্যা যে কোনো পরিবারের শীর্ষ আর্থিক উদ্বেগগুলির মধ্যে একটি। আমি আনন্দিত যে গভর্নর হোকল এই বিনিয়োগটি করছেন যা পরিবারগুলির জন্য তাদের সন্তানদের জন্য নির্ভরযোগ্য এবং নিরাপদ পরিচর্যা নেওয়া সহজ করে তুলবে। একজন পেরেন্ট হিসেবে আমি জানি শিশু পরিচর্যা কতটা চ্যালেঞ্জিং এবং ভীতিপ্রদ হতে পারে। আজকের মতো গুরুত্বপূর্ণ এবং জীবন পরিবর্তনকারী বিনিয়োগ করার কতটুকু যাদের আছে, তাদের কাছে মানুষের জীবন পরিবর্তন করার ক্ষমতা রয়েছে, পরিবারগুলিকে কাজের জন্য সময় দেওয়ার বা অব্যাহত শিক্ষা এবং বৃত্তিমূলক প্রশিক্ষণের জন্য সময় দেওয়ার জন্য, যা তাদের সমৃদ্ধি লাভ করতে দেবে।"

এই তহবিল বা চাইল্ড কেয়ার অ্যাসিস্ট্যান্স প্রোগ্রাম সম্পর্কে আরো তথ্যের জন্য, পরিবার এবং প্রদানকারীদের তাদের [সামাজিক সেবা স্থানীয় বিভাগের](#) সাথে যোগাযোগ করা উচিত।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov)-এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসারব্লাইব করুন](#)